

**საქართველოს ოკუპირებული ტერიტორიებიდან იძულებით გადაადგილებულ
პირთა, განსახლებისა და ლტოლვილთა სამინისტრო**

გამაგრებლების (კონდიციონერების) შეკეთება და ტექნიკური მომსახურების სახელმწიფო
შესყიდვა „გამარტივებული ელექტრონული ტენდერი“-ს საშუალებით

**სატენდერო დოკუმენტაცია
(CPV - 50700000)**



ქ. თბილისი
2015 წელი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.

1.6 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.8. დამატებითი ინფორმაცია. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში, წერილობითი მიმართვის შემთხვევაში. ქ. თბილისი, თამარაშვილის ქ. #15ა, მე-6 სართული. საკონტაქტო პირი:

სალომე გირგვლიანი;

ზაურ ცხვარაძე;

მაიკო მიქაია;

ტელ: 231 15 80.

1. ტექნიკური დავალება

1.1. პრეტენდენტის მიერ სისტემაში ასატვირთი ინფორმაცია და მონაცემები:

- ა) სატენდერო წინადადების ფასი პრეისკურანტით, **დანართი N1**-ის მიხედვით;
- ბ) ინფორმაცია მომსახურების საგარანტიო პერიოდის და პირობების შესახებ **დანართი N3**-ის სახით და ამავე დანართით გათვალისწინებული პირობების შესაბამისად.
- გ) ორგანიზაციის რეკვიზიტები **დანართი N4**-ის შესაბამისად.

პრეტენდენტის მიერ წამოდგენილი (ერთიან ელექტრონულ სისტემაში ატვირთული) ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს ხელმძღვანელის ან უფლებამოსილი პირის მიერ (უფლებამოსილი პირის შემთხვევაში ატვირთულ უნდა იქნას ერთიან ელექტრონულ სისტემაში ნოტარიულად დამოწმებული უფლებამოსილების დამადასტურებელი შესაბამისი დოკუმენტ(ებ)ი).

2. შესყიდვის ობიექტი:

სხვადასხვა სახის კონდენციონერების ტექნიკური მომსახურება.

2.1 მომსახურების გაწევის წესი:

- ტენდერში გამარჯვებულმა ორგანიზაციამ მომსახურების გაწევის პროცესში უნდა გამოყოს ყველა საჭირო ხელსაწყოებით აღჭურვილი მაღალკვალიფიციური ტექნიკური პერსონალი, რომლებმაც საჭიროების შემთხვევაში უნდა უზრუნველყონ სხვადასხვა სახის კონდენციონერების ტექნიკური მომსახურების გაწევა **დანართი N2**-ში მოცემული დასახელებების, რაოდენობების და ადგილმდებარეობების შესაბამისად.

- კონდენციონერების ტექნიკური მომსახურება უნდა განხორციელდეს მიმწოდებლისა და შემსყიდველის მიერ გამოყოფილი უფლებამოსილი პირების მიერ გასაწევ მომსახურებაზე შედგენილი დეფექტური აქტის საფუძველზე. დეფექტურ აქტში მითითებული უნდა იქნას კონდენციონერის ფირმა, მოდელი, აღმოჩენილი ხარვეზი, აღნიშნული ხარვეზის აღმოფხვრისათვის საჭირო გასაწევი მომსახურებების ჩამონათვალი და **დანართი N1**-ით გათვალისწინებულ ვადაში განახორციელოს მომსახურება სრული მოცულობით, ხარისხის და სტანდარტების დაცვით.

- გაწეულ მომსახურებაზე მხარეები ადგენენ მიღება-ჩაბარების აქტს, რომელშიც მითითებული უნდა იყოს გაწეული მომსახურების დეტალური აღწერა, შესრულებული სამუშაოების რაოდენობა ან/და მოცულობა, ფასი და საერთო ღირებულება (მომსახურების ფასები გათვალისწინებული იქნება პრეისკურანტში (**დანართი N1**) მოცემული ფასების შესაბამისად).

- თუ გასაწევი მომსახურება არ არის გათვალისწინებული პრეისკურანტში მაშინ მხარეები აღნიშნულ მომსახურებას ღირებულების გათვალისწინებით (ფასი დადგინდება შემსყიდველთან წინასწარ შეთანხმების საფუძველზე მიმდინარე დროისთვის ბაზარზე არსებული ღირებულებების შესაბამისად) უთითებენ დეფექტურ და მიღება-ჩაბარების აქტებში, შესაბამისად ანაზღაურება მოხდება მიღება-ჩაბარების აქტის საფუძველზე, ხელშეკრულებაში დამატებითი ცვლილებების შეტანის გარეშე სახელშეკრულებო ღირებულების შეუცვლელად.

2.2 მომსახურების გაწევის პერიოდი:

მიმწოდებელმა უნდა უზრუნველყოს მომსახურების გაწევა ეტაპობრივად, ხელშეკრულების ხელმოწერიდან 2015 წლის 31 დეკემბრის ჩათვლით.

3. სატენდერო წინადადების ფასი:

- გასაწევი მომსახურების ღირებულება უნდა შეიცავდეს მიმწოდებლის ყველა ხარჯს, მათ შორის პრეისკურანტში (**დანართი N1**) რიგ პოზიციებზე გათვალისწინებული გამოსაცვლელი დეტალების ღირებულებებს. გასაწევი მომსახურების ღირებულება ასევე უნდა შეიცავდეს საქართველოს კანონმდებლობით დადგენილ ყველა გადასახადს.

- გასაწევი მომსახურების ღირებულების წარმოდგენა დასაშვებია მხოლოდ ლარებში.

- ხელშეკრულების ღირებულების თანხა, რომელიც განსაზღვრული იქნება **5000.00** (ხუთი ათასი) ლარის ოდენობით აღებულია შესაძლო გასაწევი მომსახურებების მიხედვით, ხოლო ანაზღაურება „მიმწოდებელთან“ განხორციელდება მის მიერ ფაქტობრივად გაწეული მომსახურებების მიხედვით, შესაბამისად ხელშეკრულების მოქმედების ვადის ამოწურვის მომენტისათვის ხელშეკრულების საერთო ღირებულებიდან გამოუმუშავებელი თანხა დარჩება „შემსყიდველთან“ და იგი არ წარმოშობს მხარეებს შორის რაიმე დამატებით ვალდებულებებს.

4. ანგარიშსწორების პირობები:

- ანგარიშსწორება მიმწოდებელთან განხორციელდება ლარებში.
- ანგარიშსწორება განხორციელდება ეტაპობრივად, ფაქტიურად გაწეული მომსახურების ღირებულებების მიხედვით, შესაბამისი მიღება-ჩაბარების აქტის გაფორმებისა და საქართველოს კანონმდებლობით დადგენილი შესაბამისი დოკუმენტების წარმოდგენიდან 20 სამუშაო დღის განმავლობაში.
- ანგარიშსწორების ფორმა: უნაღდო.
- წინასწარი ანგარიშსწორება (ავანსი) არ გამოიყენება.
- დაფინანსების წყარო: 2015 წლის სახელმწიფო ბიუჯეტი.

აუცილებელი პირობა:

- პრეტენდენტის მიერ სისტემის მეშვეობით წარდგენილი წინადადების ფასი არ უნდა აღემატებოდეს პრეისკურანტის სავარაუდო ღირებულებას.
- გასაწევი მომსახურების და გამოსაყენებელი დეტალების ერთეულის ღირებულებები პოზიციების შესაბამისად პრეტენდენტის მიერ მითითებული უნდა იქნას პრეისკურანტში (დანართი N1) და არ უნდა აღემატებოდეს პრეისკურანტში ამავე პოზიციებზე დაფიქსირებულ ფასებს.

5. ფასწარმოქმნის ადეკვატურობის დასაბუთების ვალდებულების შესახებ:

5.1. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული იქნება საბოლოო ფასი 20%-ით ან მეტით დაბალი ფასი შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან მოითხოვს ფასწარმოქმნის ადეკვატურობის დასაბუთებას 10 სამუშაო დღის ვადაში. ფასწარმოქმნის ადეკვატურობა შესაძლებელია დასაბუთდეს შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან/და ანგარიშგაქტურით (ინვოისით) ან/და სასაქონლო ზედნადებით ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

5.2. შემსყიდველი ორგანიზაცია უფლებამოსილია, დასაბუთებული გადაწყვეტილებით, უარი თქვას ფასწარმოქმნის ადეკვატურობის დასაბუთების მოთხოვნაზე.

N	გასაწევი მომსახურების ჩამონათვალი	ერთეულის ზღვრული (სავარაუდო) ღირებულებები (ლარი)	პრეტენდენტის მიერ შემოთავაზებული ერთეულის ღირებულებები (ლარი)	მომსახურების გაწევის ოპერატიულობა
1	ფრეონის სრული დატუმბვა (ყველა სიმძლავრის კონდიციონერზე, მასალის გათვალისწინებით)	33.50		
2	ფრეონის ღირებულება 1 კგ. (იანგარიშება რეალური დანახარჯიდან)	14.36		
3	ფილტრის გაწმენდა	14.36		
4	ფილტრის შეცვა	14.36		
5	სადრენაჟო სისტემის გაწმენდა	12.44		
6	შიდა ბლოკის გაწმენდა (ფილტრი, რადიატორი, ვენტილატორი)	33.50		
7	ჰაერის მიმმართველის შეცვლა	16.27		
8	ქსელის სადენების შეცვლა	7.66		
9	შიდა ბლოკის ვენტილატორის შეცვლა	33.50		
10	გარე ბლოკის ვენტილატორის შეცვლა	33.50		
11	გარე ბლოკის გაწმენდა	21.06		
12	რელეს შეცვლა	8.61		
13	დენის გარდამქმნელის შეცვლა	38.29		
14	სენსორების შეცვლა	19.14		
15	თერმოდაჩიკის შეცვლა	28.71		
16	თერმორეგულატორის შეცვლა	21.06		
17	სარქველის შეცვლა	67.00		
18	ვენტილატორის ძრავის შეცვლა	57.43		
19	პლატის შეკეთება	38.29		
20	კომპრესორის შეცვლა 9000 ბტუ	210.57		
21	კომპრესორის შეცვლა 10000 ბტუ	210.57		
22	კომპრესორის შეცვლა 12000 ბტუ	248.86		
23	კომპრესორის შეცვლა 18000 ბტუ	287.14		
24	კომპრესორის შეცვლა 24000 ბტუ	344.57		
25	კომპრესორის შეცვლა 45000 ბტუ	765.71		
26	მაკავშირებელი კომპლექტაციის შეცვლა 9000 ბტუ-სთვის	24.89		
27	მაკავშირებელი კომპლექტაციის შეცვლა 10000 ბტუ-სთვის	28.71		
28	მაკავშირებელი კომპლექტაციის შეცვლა 12000 ბტუ-სთვის	32.54		
29	მაკავშირებელი კომპლექტაციის შეცვლა 18000 ბტუ-სთვის	36.37		
30	მაკავშირებელი კომპლექტაციის შეცვლა 24000 ბტუ-სთვის	38.29		
31	მაკავშირებელი კომპლექტაციის შეცვლა 45000 ბტუ-სთვის	41.16		
32	კონდესატორის შეცვლა	28.71		
33	მართვის პლატის შეცვლა	114.86		
34	სადრენაჟე მილბის შეცვლა და მისი დაერთება სანიაღვრე სისტემებთან	3.83		
35	დაზიანებული ადგილების შედუღება	8.61		
36	ნებისმიერი სიმძლავრის კონდიციონერის დემონტაჟი	52.64		
37	ნებისმიერი სიმძლავრის კონდიციონერის მონტაჟი	81.36		
38	საჭიროების შემთხვევაში ამწე კალათის მომსახურება (1სთ)	76.57		

მთხოვნის დაფიქსირებიდან მაქსიმუმ 2 დღის ვადაში

პრეისკურანტის სავარაუდო საერთო ღირებულება (სავარაუდო ზღვრული ფასების მიხედვით): **3,149.00 ლარი**

პრეისკურანტის საერთო ღირებულება (პრეტენდენტის მიერ შემოთავაზებული ფასების მიხედვით): ----- ლარი

აუცილებელი პირობა:


• წინამდებარე დანართის შესაბამისად პრეტენდენტის მიერ პოზიციების მიხედვით შემოთავაზებული და წარდგენილი უნდა იქნას გასაწევი მომსახურების ღირებულებები, ამასთან აღნიშნული ღირებულებები არ უნდა აღემატებოდეს ამავე პრეისკურანტში პოზიციების მიხედვით გათვალისწინებულ სავარაუდო ერთეულის ღირებულებებს.

• ელექტრონული ვაჭრობის შემთხვევაში, ელექტრონულ სისტემაში დაფიქსირებული საბოლოო ფასიდან გამომდინარე საუკეთესო დაბალი ფასის მქონე პრეტენდენტის მიერ პრეისკურანტით გათვალისწინებული ერთეულის ღირებულებები დაკლებულ უნდა იქნას პროპორციულად ყველა პოზიციაზე, პრეისკურანტის თავდაპირველ ჯამურ ღირებულებასა და სისტემაში დაფიქსირებულ პრეისკურანტის საბოლოო ღირებულებას შორის არსებულ სხვაობიდან გამომდინარე (გამოყვანილი) პროცენტის შესაბამისად.

• პრეტენდენტმა ასევე უნდა უზრუნველყოს პრეისკურანტის ექსელის (Excel) ფორმატში წარმოდგენა.

პრეტენდენტის ხელმოწერა -----

ბ.ა



კონდიციონერების დასახელება რაოდენობა და ადგილმდებარეობა

N	გამაგრებული მოწყობილობის მოდელი	რაოდენობა (ცალი)	ადგილმდებარეობა
1	MIDEA	59	ქ. თბილისი თამარაშვილის 15ა
2	AUX	22	
3	GREE	3	
4	AUX GALANZ VIVA	4	
5	FREIR	5	
6	KARMA	1	
7	HISENSE	3	
8	HYUNDAI	1	
9	SHIVAKI	2	
10	VOGEL	4	
11	SAMSUNG	1	
12	BOSCH	2	
13	BK	3	

პრეტენდენტის ხელმოწერა

ბ.ა

საგარანტიო პერიოდი და პირობები

მომსახურების დასახელება	საგარანტიო ვადა	საგარანტიო პირობები	დეფექტის აღმოფხვრის ოპერატიულობა
სხვადასხვა სახის კონდენციონერების შეკეთება, მათ შორის შეკეთებული და/ან გამოცვლილი დეტალები	მინიმუმ 1 (ერთი) წელი	გარანტიის პერიოდში გამოვლენილი დეფექტის აღმოფხვრა, დაზიანებული ნაწილის შეკეთება ან/და შეცვლა ახლით. ასევე უხარისხოდ გაწეული მომსახურების შედეგად მიყენებული ზარალის ანაზღაურება	კონკრეტულ დაზიანებაზე შედგენილ დეფექტურ აქტში მითითებული გონივრული ვადების შესაბამისად

აუცილებელი პირობა:

- საგარანტიო პერიოდში დაზიანების გამოვლენის შემთხვევაში, ყოველ კონკრეტულ ფაქტზე მხარეები ადგენენ დეფექტურ აქტს.

პრეტენდენტის ხელმოწერა

ბ.ა

პრეტენდენტის რეკვიზიტები

პრეტენდენტის იურიდიული ფორმა და დასახელება:	
ხელმძღვანელის სახელი და გვარი:	
პრეტენდენტის იურიდიული ან/და ფაქტიური მისამართი:	
საიდენტიფიკაციო კოდი:	
პრეტენდენტის ტელეფონის ნომერი:	
ელ. ფოსტის მისამართი:	
ბანკი:	
ბანკის კოდი:	
ანგარიშის ნომერი:	

პრეტენდენტის ხელმოწერა -----

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება „გამარტივებულ ელექტრონულ ტენდერში“ გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც თანდართული ექნება შესყიდვის ხელშეკრულებას, როგორც მისი განუყოფელი ნაწილი

სახელმწიფო შესყიდვის შესახებ ხელშეკრულება N

ქ. თბილისი

----- 2015 წ.

ერთის მხრივ, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო (შემდგომში – „შემსყიდველი“), წარმოდგენილი მინისტრის პირველი მოადგილის გრიგოლ გიორგაძის სახით და მეორეს მხრივ, ----- (შემდგომში „მიმწოდებელი“), წარმოდგენილი მისი ----- სახით, შემდგომში ერთობლივად წოდებული მხარეებად, „სახელმწიფო შესყიდვების შესახებ“ საქართველოს კანონისა და „გამარტივებულ ელექტრონულ ტენდერში“ (SPA-----) გამარჯვებული პრეტენდენტის სატენდერო წინადადების საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტება

წინამდებარე ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – „შემსყიდველისა“ და „მიმწოდებლის“ მიერ ხელმოწერილი წინამდებარე ხელშეკრულება, მასზე თანდართული ყველა დოკუმენტი.
- 1.2. „ხელშეკრულების ღირებულება“ – თანხა, რომელიც უნდა გადაიხადოს „შემსყიდველმა“ „მიმწოდებლის“ მიერ „ხელშეკრულებით“ ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს „ხელშეკრულებით“ გათვალისწინებული „მომსახურების“ მიწოდებას.
- 1.6. „მომსახურება“ – „ხელშეკრულების“ მე-2 მუხლით გათვალისწინებული ხელშეკრულების საგანი.
- 1.7. „ინსპექტირება“ – „ხელშეკრულების“ პირობების შესრულების კონტროლი.

მუხლი 2. ხელშეკრულების საგანი.

----- მომსახურების დასახელება ----- - ის (CPV -) მომსახურების შესყიდვა, „ხელშეკრულების“ პირობებისა და დანართის შესაბამისად, რაც თავის მხრივ წარმოადგენს „ხელშეკრულების“ განუყოფელ ნაწილს.

მუხლი 3. ხელშეკრულების ღირებულება

- 3.1. „ხელშეკრულების ღირებულება“ შეადგენს ----- ლარს.
- 3.2. „ხელშეკრულების ღირებულება“ მოიცავს როგორც გასაწევი „მომსახურების“ ღირებულებას, ასევე „ხელშეკრულების“ შესრულებასთან დაკავშირებით „მიმწოდებლის“ მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

მუხლი 4. მომსახურების გაწევის ადგილი და ვადა

- 4.1. „მომსახურების“ გაწევის ადგილია: ქ. თბილისი, თამარაშვილის ქ N15ა.
- 4.2. „მომსახურების“ გაწევის ვადაა: ეტაპობრივად, ხელშეკრულების ხელმოწერიდან 2015 წლის 31 დეკემბრის ჩათვლით.

მუხლი 5. მხარეთა უფლება-მოვალეობები

- 5.1. „შემსყიდველი“ უფლებამოსილია ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება.
- 5.2. „შემსყიდველი“ ვალდებულია:
 - ა) უზრუნველყოს გაწეული „მომსახურების“ ღირებულების ანაზღაურება „ხელშეკრულებით“ გათვალისწინებულ ვადებში;
 - ბ) „მიმწოდებლისაგან“ „მომსახურების“ გაწევის ნებისმიერ ეტაპზე, შეამოწმოს „მომსახურების“ ხარისხის შესაბამისობა „ხელშეკრულებისა“ და დანართის პირობებთან.
- 5.3. „მიმწოდებელი“ უფლებამოსილია მოსთხოვოს „შემსყიდველს“ გაწეული „მომსახურების“ ღირებულების ანაზღაურება „ხელშეკრულებით“ გათვალისწინებულ ვადებში.
- 5.4. „მიმწოდებელი“ ვალდებულია:
 - ა) განახორციელოს „მომსახურება“ ჯეროვნად, კეთილსინდისიერად, ხარისხიანად და სრულად;
 - ბ) შესაბამისი შეტყობინების შემთხვევაში, დროულად აღმოფხვრას გაწეული „მომსახურების“ შემოწმების შედეგად გამოვლენილი წუნი საკუთარი ხარჯებით;
 - გ) „მომსახურების“ მიწოდებისას აცნობოს „შემსყიდველს“ ყველა განსაკუთრებული გარემოების შესახებ.

მუხლი 6. გარანტია

მიმწოდებელი იძლევა გარანტიას, რომ განხორციელებული მომსახურება იქნება ხარისხიანი და შეესაბამება ხელშეკრულების მოთხოვნებს.

მუხლი 7. ინსპექტირება

7.1. „შემსყიდველი“ ვალდებულია ჩაატაროს ინსპექტირება ნებისმიერ ეტაპზე, რისთვისაც გამოყოფს უფლებამოსილ პირს, ხოლო „მიმწოდებელი“ ვალდებულია ხელი შეუწყოს მას ინსპექტირების განხორციელების დროს.

7.2. ინსპექტირებას განახორციელებს მატერიალურ-ტექნიკური უზრუნველყოფის სამმართველოს უფროსი ნოდარ ყოჩიშვილი.

7.3. „შემსყიდველის“ შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია განახორციელოს ხარისხის კონტროლი და თუ აღმოჩნდება ხარვეზი, „მიმწოდებელი“ ვალდებულია, „შემსყიდველის“ წერილობითი შეტყობინების საფუძველზე განსაზღვრულ ვადაში, გამოასწოროს აღნიშნული ხარვეზი.

მუხლი 8. მომსახურების მიღება-ჩაბარება

8.1. „მომსახურება“ მიღებულად ჩაითვლება მას შემდეგ, რაც მხარეთა უფლებამოსილი წარმომადგენლები ხელს მოაწერენ შესაბამის მიღება-ჩაბარების აქტს.

8.2. „შემსყიდველის“ მხრიდან ამ მუხლის 8.1. პუნქტში აღნიშნულ მიღება-ჩაბარების აქტს ხელს მოაწერს „ხელშეკრულების“ მე-7 მუხლის 7.2. პუნქტით განსაზღვრული უფლებამოსილი პირი.

მუხლი 9. ანგარიშსწორება

9.1. ანგარიშსწორება ხორციელდება უნაღდო ანგარიშსწორებით ლარში, „საქართველოს 2015 წლის სახელმწიფო ბიუჯეტის შესახებ“ საქართველოს კანონით „შემსყიდველისათვის“ გამოყოფილი ასიგნებების ფარგლებში;

9.2. ანგარიშსწორება ხორციელდება ყოველთვიურად, მიღება-ჩაბარების აქტის გაფორმებიდან არაუგვიანეს 20 (ოცი) კალენდარული დღის განმავლობაში.

მუხლი 10. ფორს-მაჟორი

10.1. მხარეებს არ დაეკისრებათ პასუხისმგებლობა „ხელშეკრულებით“ გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის, თუ შეუსრულებლობა გამოწვეულია ფორს-მაჟორული გარემოებებით.

10.2. ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო „ხელშეკრულებით“ ნაკისრი ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

10.3. ფორს-მაჟორული გარემოებების დადგომის შემთხვევაში „ხელშეკრულების“ მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე, შეტყობინების ყველა შესაძლო საშუალებით, უნდა გაუზიაროს ინფორმაცია მეორე მხარეს, ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით, აგრძელებს „ხელშეკრულებით“ ნაკისრი ვალდებულებების შესრულებას და ცდილობს გამოახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

მუხლი 11. მხარეთა პასუხისმგებლობა

11.1. „ხელშეკრულებით“ მხარეთა მიერ ნაკისრი ვალდებულებების შეუსრულებლობის შემთხვევაში, მათ დაეკისრებათ პასუხისმგებლობა კანონმდებლობით გათვალისწინებული წესით.

11.2. „ხელშეკრულების“ მე-4 მუხლის 4.2 პუნქტით განსაზღვრული „მომსახურების“ მიწოდების ვადის გადაცილების შემთხვევაში, „მიმწოდებელს“ ეკისრება პირგასამტეხლო ყოველ ვადაგადაცილებულ დღეზე მიუწოდებელი „მომსახურების“ ღირებულების 0,5%-ის ოდენობით.

11.3. „ხელშეკრულების“ მე-7 მუხლის 7.3 პუნქტით გათვალისწინებული პირობების დარღვევის შემთხვევაში, „მიმწოდებელს“ ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,5%-ის ოდენობით.

11.4. პირგასამტეხლოს გადახდა არ ათავისუფლებს „მიმწოდებელს“ „ხელშეკრულებით“ ნაკისრი ვალდებულებების შესრულებისაგან.

11.5. „მიმწოდებელს“, „ხელშეკრულებით“ ნაკისრი ვალდებულებების შეუსრულებლობის შემთხვევაში, დაეკისრება ჯარიმა „ხელშეკრულების ღირებულების“ 5%-ის ოდენობით.

მუხლი 12. ხელშეკრულებაში ცვლილებების შეტანა

12.1. ნებისმიერი ცვლილება „ხელშეკრულებაში“ შესაძლებელია განხორციელდეს მხოლოდ წერილობითი ფორმით, ორივე მხარის უფლებამოსილი წარმომადგენლის ხელმოწერით.

12.2. თუ რაიმე წინასწარ გაუთვალისწინებელი მიზეზების გამო წარმოიშობა „ხელშეკრულების“ პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3. „ხელშეკრულების“ პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება „ხელშეკრულების“ პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. „ხელშეკრულების“ პირობების გადასინჯვა ხდება საქართველოს კანონმდებლობით დადგენილი წესით.

12.4. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, „ხელშეკრულების“ ღირებულების გაზრდა დაუშვებელია „ხელშეკრულების ღირებულების“ 10%-ზე მეტი ოდენობით.

მუხლი 13. დავების გადაწყვეტა

13.1. „ხელშეკრულების“ შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

13.2. თუ ასეთი მოლაპარაკების დაწყებიდან 10 (ათი) დღის განმავლობაში მხარეები ვერ უზრუნველყოფენ სადაო საკითხის შეთანხმებით მოგვარებას, ნებისმიერ მხარეს უფლება აქვს მიმართოს საქართველოს სასამართლოს დავის გადაწყვეტის მიზნით.

მუხლი 14. ხელშეკრულების შეწყვეტა

14.1. „შემსყიდველი“ უფლებამოსილია ცალმხრივად შეწყვიტოს „ხელშეკრულების“ მოქმედება, იმ შემთხვევაში, თუ „მიმწოდებელი“ ვერ უზრუნველყოფს ვალდებულებების შესრულებას, ასევე მოქმედი კანონმდებლობით დადგენილ სხვა შემთხვევებში.

14.2. „ხელშეკრულების“ ცალკეული პირობების მოქმედების შეწყვეტა, არ ათავისუფლებს „მიმწოდებელს“ „ხელშეკრულებით“ განსაზღვრული სხვა ვალდებულებების შესრულებისაგან.

14.3. „ხელშეკრულება“ აგრეთვე შეიძლება შეწყდეს მხარეთა წერილობითი შეთანხმების საფუძველზე.

მუხლი 15. ხელშეკრულების მოქმედების ვადა

15.1 „ხელშეკრულება“ ძალაშია მხარეთა მიერ მისი ხელმოწერიდან და მოქმედებს 2016 წლის 31 იანვრამდე.

მუხლი 16. სხვა პირობები

16.1. „ხელშეკრულებით“ გაუთვალისწინებელი პირობები რეგულირდება საქართველოს კანონმდებლობით.

16.2. „ხელშეკრულება“ შედგენილია ქართულ ენაზე, 3 (სამი) თანაბარი იურიდიული ძალის მქონე ეგზემპლარად, რომელთაგან 2 (ორი) ინახება „შემსყიდველთან“, ხოლო 1 (ერთი) - მიმწოდებელთან.

16.3. „ხელშეკრულებასთან“ დაკავშირებული ნებისმიერი მიმოწერა უნდა განხორციელდეს ქართულ ენაზე.

მუხლი 17. მხარეთა იურიდიული რეკვიზიტები

შემსყიდველი:

მიმწოდებელი: